



欽定四庫全書提要

蘆浦筆記十卷

清高宗御覽

清高宗御覽

清高宗御覽

宋劉昌詩撰昌詩字興伯江西清江人第七卷仙  
卜一條稱開禧乙丑竊太常第則寧宗元年登進  
士書末有嘉定乙亥自跋稱捐俸刻於六峯縣齋  
則嘗爲縣令但六峯不知爲何地前有嘉定癸酉  
自序稱服役海陬賣鹽外無職事惟繙書以自娛  
凡先儒之訓傳歷代之故實文字之訛舛地理之  
遷變皆得溯其源而尋其流蓋其監華亭蘆漚場  
蘆浦筆記提要

鹽課時作故以蘆浦爲名也書中草鞵大王一條  
稱紹興癸丑余客淮南云云癸丑爲紹興三年下  
距嘉定乙亥凡八十三年計其年且百餘歲必無  
尙爲縣令之理卽距開禧乙丑亦七十三年計其  
年尙過九旬更必無登第之理考紹熙五年亦爲  
癸丑或傳寫訛舛以熙爲興與其書多糾吳曾能  
改齋漫錄之失其論泥軾屏星金根車諸葛亮表  
脫句孫叔敖碑舛訛歐陽修誤題多心經杜甫詩  
錯簡皆有特識又張栻愨齋銘本集不載黃庭堅

詠藕詩實胡藏之作皆足以資考據王士禛池北  
偶談尤稱其記王復死節之事可補宋史之闕又  
稱其書流傳甚少此本爲丹陽賀氏所藏而綏安  
謝兆申所傳鈔則亦可竇之笈矣惟塗山啟母一  
條不能辨淮南子之妄而轉引後來誕語以實之  
未免失之附會是則文士好奇之弊也

蘆浦筆記提要

蘆浦筆記卷第一

洪範七稽疑脫字

乃命卜筮曰兩曰霽曰蒙曰驛曰克曰貞曰悔凡七卜  
五占用二行忒讀者皆以占用二作一句史記宋世家  
載箕子之對謂卜五占之用二衍賁鄭元注曰卜五占  
之用謂兩霽圖霧克也二衍賁謂貞悔也兆卜之名七  
龜用五易用二然則卜五占者用之衍賁則非占也尙  
書省去之字合以占用爲一句二行忒爲一句則義理  
明矣

蘆浦筆記卷一

一知不足齋叢書

馮婦

孟子晉人有馮婦者善搏虎卒爲善士則之野有衆逐  
虎云云其爲士者笑之注爲善士者以善搏虎有勇名  
敵進以爲士之於野外至今讀者以卒爲善士爲一句  
則之野爲一句以余味其言則恐合以卒爲善爲一句  
士則之爲一句野有衆逐虎爲一句蓋以其有搏虎之  
勇而卒能爲善故士以爲則及其不知止則士以爲笑  
野有衆逐虎句意亦健何必謂之野外而後云攘臂  
也



約法三章

約法三章自班氏作刑法志謂高祖初入關約法三章至今以爲省約之約皆作一句讀子觀紀所書云吾與諸侯約先入關者王之吾當王關中與父老約法三章耳若以與父老約法三章耳八字作一句恐不成文理合於約字句斷則先與諸侯約今與父老約不惟上下貫穿而法三章耳方成句語

有味其言

今人用推轂事必連有味其言作一句子觀史記鄭當

蘆浦筆記卷一

二知不足齋叢書

時傳載其推轂士及官屬丞史誠有味其言之也常引以爲資於己究其文意有味合句斷蓋謂推轂者誠有味而其言之者常引以爲資於己漢書節去之字小顏從也字下注皆誤爾不然上下文全不相貫

廉遠地

比見書坊時文賦有以上廉遠地則堂高命題者竊疑焉賈誼政事疏人主之尊如堂羣臣如陛庶如地故陛九級上廉遠地則堂高陛亾級廉近地則堂卑師古曰級等也廉側隅也恐合以陛九級上句斷廉隅去地

遠則堂自高耳

餽字出處

嬾真子錄載餽字出於六經及楚詞而獨引周禮小師掌教簫注云簫編小竹管如今賣飴餽者所吹招魂曰粗巨枚蜜餌有餽餽些注云餽餽餽也蓋戰國時以餽爲餽餽後漢亦謂之餽耳今攷毛詩有瞽簫管備舉注亦有之豈馬大年偶忘此一處耶

寧馨

能改齋漫錄載山濤叱王衍爲寧馨兒王太后怒廢帝

蘆浦筆記卷一

三知不足齋叢書

謂那得生寧馨兒二說以爲兒非馨香者觀其語意似不然予讀世說見晉人言多帶馨字如王丞相云見謝仁祖恒令人得上與何次道語惟舉手指地曰正自爾馨又殷中軍至劉尹所清言殷理小屈遊辭不已劉亦不吝殷去後乃云田舍兒強學人作爾馨語又桓溫詣劉尹卧不起溫彎彈彈劉枕丸迸碎牀褥問劉作色而起曰使君如馨地寧可鬪戰求勝又王司州乘雪往王螭許持其臂螭撥其手曰冷如鬼手馨強來捉人臂觀此則只如今人說恁地

三郎

漫錄事始門載唐明皇爲三郎凡五事一劉朝霞獻溫

泉賦云遮莫你古時千帝豈如我今日三郎二開元十

一年置聖壽樂令諸女歌舞宜春院上親加策勵曰好

好作莫辱三郎三明皇過華陰見獄神迎謁老巫阿馬

婆云三郎在道上四牛僧孺周秦行紀指明皇爲三郎

五通鑒每宰相奏事睿宗輒問與三郎議否而不知尙

有一處開元中有獻俳文於明皇曰說甚三皇五帝不

如求告三郎既是千年一遇且莫五角六張

案今本漫錄事始門

蘆浦筆記卷一

四知不足齋叢書

佚此事

重五日生

風俗通云五月五日生子男害父女害母故田文生而  
嬰告其母勿舉且曰長與戶齊將不利其父母余攷南  
史王鎮惡以是日生家人以俗忌欲令出繼疎宗其祖  
猛曰孟嘗君以惡月生而相齊是兒亦將興吾門故名  
鎮惡又北史齊南陽王綽五月五日生腦不壞死四百  
餘日顏色如生唐崔信明生時五月五日方中有異  
雀鳴集庭樹觀此四事俗說可無疑矣

射寢石

劉向新序載熊渠子夜行見寢石以爲伏虎射之滅金  
飲羽視而知其石也復射之矢摧無迹漢書李廣出獵  
見草中石以爲虎而射之中石沒矢視之石也他日射  
之終不能入世說又云李萬歲獵沙柵以石爲伏兔射  
之鏃入寸餘三事如一而其中也要皆出於疑心故子  
嘗謂疑心一生則屋上之弓皆爲蛇懼心一生則山上  
之草皆爲兵漫錄載前二事在類對門而不及李萬歲  
豈偶忘之邪

蘆浦筆記卷一

五知不足齋叢書

從理入口

漢書載許負相周亞夫從理入口此餓死法也竟以不  
食五日而死余觀南史庾夔餓死褚蘿善終乃大相反  
蓋夔家富於財食必列鼎又狀貌豐美人謂必爲方伯  
及魏尅江陵卒以餓死有褚蘿面尖危從理入口竟係  
衣食而終然則相法亦有時不驗

泥軼

自白氏六帖職林職官分紀職源歷三百餘年凡編類  
之書皆以泥軼爲通判事士夫用之亦不知其非今攷



前漢黃霸傳別爲車緹油屏泥于軾前以彰有德其文  
意蓋謂用緹油于車軾之前以屏蔽泥汙耳劉盆子乘  
鮮車大馬赤屏泥又如王武子好馬正旦則柳葉金障  
泥及所謂錦障泥皆此義也

屏星

後漢孔恂爲別駕車前舊有屏星刺史欲去之恂曰徹  
去屏星毀國舊儀釋者無注人不知爲何物故二字皆  
從竹唐韻謂別駕車藩韻略箝必郢切箠先青切俱云  
蔽當胡文恭公送通判詩用屏星韻以屏字作上聲讀

薦浦筆記卷一

六文不足齋叢書

斯可見矣

阿字

古人稱呼每帶阿字以至小名小字見於史傳者多有  
之漢高祖紀武負注俗呼老大母爲阿負魯肅拍呂蒙  
背曰非復吳下阿蒙曹操小名阿瞞唐明皇小名亦云  
阿瞞顧士季目王安豐謂阿戎了了解人意阮籍謂王  
渾共卿語不如與阿戎談此謂渾子戎又杜詩守歲阿  
戎家注謂杜位小字也阿奴有五劉尹撫王長史背曰  
阿奴比丞相俱有都長阿奴蓋濛小字也語林曰劉真

長與丞相不相得每日阿奴比丞相條達清長矣齊武帝臨崩執廢帝手曰阿奴若憶翁好作梓宮又周謨周仲智名嵩皆小字阿奴梁武帝謂臨川王曰阿六汝生

活大可方王右軍問許玄度卿自言何如安石許未荅王曰安石故相與雄阿萬當裂眼爭那右軍道東陽我家阿林謂臨之也仕至東陽太守王子敬爲阿敬王平子爲阿平庾會小字阿恭王詢小字阿恭王恭曰與阿大語謂王忱也殷浩爲阿源王胡之小字阿齡王蘊小字阿興王敦小字阿黑王丞相小字阿龍郗恢小字阿

蘆浦筆記卷一

七知不足齋叢書

乞王恬小字阿螭殷顛小字阿巢許詢小字阿訥王處小字阿智高嶽小字阿鄴劉叔秀爲阿秀何偃遙呼顏延之爲顏公延之曰非君家阿公何以見呼又唐王后以愛弛因泣曰陛下獨不念阿忠脫紫半臂易斗麪爲生日湯餅那吐谷渾王名阿豺以至阿香推雷車亦有所謂阿買阿舒阿宣要未能盡舉今人稱父母兄弟尙爾嗣有得當續之

阿堵

晉人稱阿堵者有三殷中軍見佛經云理亦應阿堵上

王夷甫嫉其婦貪濁口未嘗言錢字婦欲試之令婢以錢遶床不得行夷甫晨起見錢閃行呼曰舉卻阿堵物顧長康畫人或數年不點目精人問其故顧曰四體妍蚩本無關於妙處傳神寫照正在阿堵中

生活

人言做生活有三出處祖瑩云文章須自出機杼何能其人同生活人問江霽兄弟羣從王長史曰諸江皆復足自生活梁武帝謂臨川王宏曰汝生活大可方今言作詩亦云冷淡生活

蘆浦筆記卷一

人知不足齋叢書

蘆浦筆記卷第一

蘆浦筆記卷第二

武成次序



武王伐殷往伐歸獸識其政事作武成武成惟一月壬辰旁死魄越翼日癸巳王朝步自周于征伐商既生魄庶邦家君暨百工受命于周王若曰嗚呼羣后惟先王建邦啟土公劉克篤前烈至于太王肇基王迹王季其勤王家我文考文王克成厥勳誕膺天命以撫方夏大邦畏其力小邦懷其德惟九年大統未集予小子其承厥志底商之罪告于皇天后土所過名山大川曰惟有

蘆浦筆記卷二

一 不足齋藏書

道曾孫周王發將有大正于商今商王受無道暴殄天物害虐烝民爲天下逋逃主萃淵藪予小子既獲仁人敢祇承上帝以遏亂略華夏蠻貊罔不率俾恭天成命肆予東征綏厥士女惟其士女篚厥玄黃昭我周王天休震動用附我大邑周惟爾有神尙克相予以濟兆民無作神羞既戊午師逾孟津癸亥陳于商郊俟天休命甲子口爽受率其旅若林會于牧野罔有敵于我師前徒倒戈攻于後以北血流漂杵一戎衣天下大定乃反商政政由舊釋箕子囚封比于墓式商容閭散鹿臺之

財發鉅橋之粟大賚于四海而萬姓悅服厥四月哉  
生明王來自商至于豐乃偃武脩文歸馬于華山之  
陽放牛于桃林之野示天下弗服丁未祀于周廟孔氏  
注云四月丁未以日月推之四月無丁未蓋武王至  
豐告廟乃其常事所不必言至于朝四方之諸侯而  
祀于周廟當 邦甸侯衛駿奔走執豆籩越三日庚戌  
在五月也 柴望大告武成列爵惟五分土惟三建官惟賢位事  
惟能重民五教惟食喪祭惇信明義崇德報功垂拱  
而天下治

洵直謹按武成之篇自伏生口傳失其次序王氏新

廬浦筆記卷二

二知不足齋叢書

義嘗加攷正說書者愈疑且以武者在車所行之禮  
也式商容閭豈當在歸至于豐之後洵直以樂記考  
之孔子告賓牟賈以大武遲久之意首言久立于綴  
以待諸侯之至則庶邦豕君受伐商之命于周乃其  
時也故其克商也有未及下車而爲之者有下車而  
爲之者有濟河而西然後爲之者至其終也左射貍  
首右射騶虞而貫革之射息也裨冕擗笏而虎賁之  
士說劔也祀乎明堂而民知孝朝覲然後諸侯知所  
以臣耕藉然後諸侯知所以敬以此五者爲天下之

教其先後有倫如此則武成之次序可槩見矣是以  
某驗之以孔子之言而次第之庶有所本云

辨諸葛武侯疏脫誤句讀

臣亮言先帝創業未半而中道崩殂今天下三分益州  
疲弊此誠危急存亡之秋也然侍衛之臣不懈于內忠  
志之士忘身于外者蓋追先帝之殊遇欲報之于陛下  
也誠宜開張聖聽以光先帝遺德恢宏志士之氣不宜  
妄自菲薄引喻失義以塞忠諫之路也宮中府中俱爲  
一體陟罰臧否不宜異同若有作奸犯科及爲忠善者

蘆浦筆記卷二

三知不足齋叢書

宜付有司論其刑賞以昭陛下平明之理不宜偏私使  
內外異法也侍中郭攸之費禕侍郎董允此皆良實  
志慮忠純是以先帝簡拔以遺陛下愚以爲宮中之事  
事無大小悉以咨之然後施行必能裨補缺漏有所廣  
益將軍向寵性行淑均曉暢軍事試用子昔日先帝稱  
之曰能是以衆議舉寵爲督愚以爲營中之事悉以咨  
之必能使行陣和睦優劣得所親賢臣遠小人此先漢  
所以興隆也親小人遠賢臣此後漢所以傾頽也先帝  
在時每與臣論此事未嘗不歎惜痛恨於桓靈也侍中

尙書長史參軍皆悉貞良死節之臣願陛下親之信之則漢室之隆可計日而待也臣本布衣躬耕南陽苟全性命于亂世不求聞達于諸侯先帝不以臣卑鄙猥自枉屈三顧臣于草廬之中諮臣以當世之事由是感激遂許先帝以驅馳後值傾覆受任於敗軍之際奉命于危難之間爾來二十有一年矣先帝知臣謹慎故臨崩寄臣以大事也受命以來夙夜憂歎恐託付不效以傷先帝之明故五月渡瀘深入不毛今南方已定兵甲已足當獎率三軍北定中原庶竭駑鈍攘除姦凶興復漢室還于舊都此臣所以報先帝而忠陛下之職分也願陛下託臣以討賊興復之效不效則治臣之罪以告先帝之靈至于斟酌損益進盡忠言則攸之禕允之任也若無興德之言則責攸之禕允等之咎以彰其慢陛下亦宜自謀以諮諏善道察納雅言深追先帝遺詔臣不勝受恩感激今當遠離臨表涕零不知所言

蘆浦筆記卷二

四知不足齋叢書

洵直謹按蜀志諸葛武侯傳載其五年所上後主疏云今南方已定兵甲已足當獎率三軍北定中原庶竭駑鈍攘除姦凶興復漢室還于舊都此臣所以報

先帝而忠陛下之職分也至於斟酌損益進盡忠言則攸之禕允之任也願陛下責臣以討賊興復之效不效則治臣之罪以告先帝之靈責攸之禕允等之慢以彰其咎蓋武侯以興復自任故以謂不效則治其罪以告先帝之靈若攸之禕允則任斟酌損益進盡忠言而已興復非其任也武侯不效而遽責之某恐三子者宜有所不服武侯必不然也又至于斟酌損益進盡忠言攬於武侯自敘之間文意皆不相接續某疑其句讀有所脫誤而不敢以臆斷之乃取文

盧浦筆記卷二

五知不足齋叢書

選所載武侯表較之亦同而李善五臣皆無說又觀蘇內翰集見其稱武侯此表與伊訓說命相表裏亦未嘗疑其脫誤然某之疑終不能釋因子蜀志反復求之乃得之於董允傳云亮將北征住漢中以允秉心公亮欲任以宮省之事上疏曰侍中郭攸之費禕侍郎董允等先帝簡拔以遺陛下至於斟酌損益進盡忠言則其任也愚以爲宮中之事事無大小悉以咨之必能裨補缺漏有所廣益若無興德之言則戮允等以彰其慢乃知脫誤之處兼董允止稱侍郎蓋



其本傳所歷之官也。因以武侯董允傳及文選參而補之。遂爲全文。

右洵直姓胡氏字次魚鄉曲前輩登科仕至別乘  
內長文

漢武帝元朔三年詔曰夫刑罰所以防姦也。內長文所以見愛也。張晏曰長文長文德也。師古曰詔言有文德者卽親內而崇長之所以見仁愛之道。魯氏自備載章子厚家藏古本漢書內長文乃是而肆赦字蓋而訛爲內肆赦皆缺偏旁而爲長文。詔云其赦天下意甚明白。  
盧浦筆記卷二  
六知不足齋叢書

設書繆解古今如此者多矣不特晦菴之四書詩易卽房融譯楞嚴亦未必句句字字是佛語耳阮亭記

右魯氏字子明自號笑塢老人臨江鄉先生也著

書名自備云

性善辨

孟子題辭又有外書四篇性善辨文說孝經爲正子鄉新喻謝氏多藏古書有性善辨一帙則知與文說孝經爲正是謂四篇

漢甄

曩於周益公坐閱出示漢五甄皆得於劍州梓潼縣因

記其文公亦書于後併錄之

謝君甄其文云元和三年五月甲戌朔謝君久造此墓

按元和之號惟漢章帝唐憲宗有之憲宗之三

年其五月則壬午朔也而此甲戌其為漢隸不

疑

扈君甲甄其文云持節使者北宮衛令扈君千秋之宅

建武二十八年五月丙午工李邑作

乙甄其文云北宮衛令扈君萬秋宅皆篆文

漢北宮衛士令秩六百石以長歷考之是歲壬

蘆浦筆記卷二

七知不足齋叢書

子下到今淳熙壬寅一千一百二十載矣

范君甲甄其文云嗟痛明時仲治无年結僮孳孳履踐

聖門智辯賜張

關一字

嚙孔言寬博

關一字

約性能淵泉帶

徒千人行無遺愆

乙甄其文云德積未報曷尤乾以茂而不實顏氏暴顛

非獨范子古今皆然相貌觀形列畫諸先設生有知豈

復恨焉

漢范皮闕旁耕者嘗獲巨甄二皆為當路取去

惟拓本傳於好事之家乙甄僅存此范君墓中

之銘晁錯傳公卿言鄧先師古曰鄧先猶言鄧先生也列畫諸先者豈非墓中列畫古賢士如武梁石室之類耶先儒謂謝朓始爲誌銘此可證其誤

梓潼城甄其文云梓潼城

篆文皆反一甄之重至 斤歲月雖無所稽然字畫勁奇決非近古所能作者

蘆浦筆記卷第二

蘆浦筆記卷二

入知不足齋叢書

蘆浦筆記卷第三

負茲

公羊傳威公十六年屬負茲注曰天子稱不豫諸侯稱負茲庶人稱負薪莫知茲爲何物子觀史記周紀衛康叔封布茲徐廣曰茲藉席之名諸侯病曰負茲然後知茲乃席也與負薪蓋有等級

折俎

左傳宣公十六年定王享士會穀烝武子私問王召云云享有體薦宴有折俎襄公二十七年宋人享趙文子云今人送餽例用折俎恐非此義

潛火

州郡火政必曰潛火左氏襄公二十六年王夷師燔釋謂火滅爲燔燔子潛反或者當用此字

賢關

董仲舒賢良策太學者賢士之所關也顏曰關由也世人乃以太學爲賢關則謬矣

仁頻

蘆浦筆記卷三

一知不足齋叢書

司馬相如天子游獵賦仁頻并闔徐廣曰頻一作賓小  
司馬索隱音賓顏師古曰卽賓糧也今觀韓子蒼次撫  
州高使者韻凡四首一云李侯梨釘座風味勝仁頻乃  
與兩頻頻三顧頻同押然則恐未之改耳

### 乾鵠

漫錄辨誤論乾鵠音于爲無義廣韻有鴝鵒亦起于後  
來惟王荆公以爲虔字意見於鵠之疆疆甚爲得理然  
紺珠集載乾鵠云鰓案淮南記論訓云乾鵠知來而不  
知往注乾鵠鵠也乾音于別本俱作  
謝本改正鵠之別名音于又何耶

### 蘆浦筆記卷三

二知不足齋叢書

### 紫荷

漫錄載劉偉明贈熊本待制詩西清寓直荷爲囊歐陽  
文忠回吳舍人啟以紅藥翻堦對紫荷持囊皆爲誤然  
又引隋志尙書錄令僕射吏部尙書朝服綴紫荷錄令  
左僕射左荷右僕射吏部尙書右荷以俟博識者予攷  
晉輿服志八座尙書荷紫以生紫爲袷囊綴之服外加  
于左肩所謂荷囊乃負荷之荷然則隋志載紫荷左荷  
右荷要知亦是負荷分明非菱荷之荷也

### 糊名

漫錄事始門載取士至仁宗時始有糊名考校之律然嘗記唐武后時以選人多不實乃令試日白糊其名恐

裴二端公

漫錄事實門載鮑彪杜詩譜論湘江宴餞裴二端公及暮秋枉裴道州手札率爾遣興詩皆不著裴二端公爲何人偶讀蔣參政之奇武昌怡亭序云裴虬作銘又浯溪唐賢題名有河東裴虬爲道州刺史始知所謂裴二端公者虬也以上吳說如此按杜詩有送裴二虬作尉

蘆浦筆記卷三

三知不足齋叢書

永嘉今暮秋遣興詩自有憶子初尉永嘉去之句卽可見也何必它證

振字

漫錄載顏師古匡謬正俗曰賑濟當用振字說文曰振舉也救也諸史傳振給振貸竝以饑饉窮厄將就困弊故舉救之使存立耳但未有所據按左傳文公十六年楚人出師自廬以往振廩同食注振發也廩倉也然則當以左氏爲證以上吳說如此周易蠱卦君子以振民育德注振濟也何不引此豈偶忘耶

山谷南還誤

漫錄說詩門云山谷南還至南華竹軒令侍史誦詩版按南華在韶州屬廣東山谷謫宜州屬西路且卒于宜而曰南還何邪

漫錄書人官位差誤

事始門載宋莒公以宋元憲爲宗袞今攷元憲卽莒公當作宋次道又地理門載關中記南臺沙合出宰輔其閒舉吳丞相育吳樞密充記事門載吳侍郎待問生四子參政育樞密充攷元輔表熙寧元豐閒充嘗爲相而

蘆浦筆記卷三

四知不足齋叢書

育特執政今互言之又說詩門載丞相馮當世少嘗薄遊記事門云大丞相馮當世記富家翁有宅記文門云馮當世丞相荅伯庸詩然當世未嘗爲相又事實門載參政蔣之奇武昌怡亭序而蔣未嘗參政嘗作樞密凡此豈皆筆誤邪

晉人弔喪彈琴作驢鳴

晉人放曠至于弔喪亦出禮法之外王子猷子敬俱病篤而子敬先亾子猷來奔喪都不哭子敬素好琴便徑入坐靈牀上取子敬琴彈弦既不調擲地云子敬人琴

俱亾因慟絕良久月餘亦卒顧彥先平生好琴及喪家  
人常以琴置靈牀上張季鷹往哭之遂徑上牀鼓琴作  
數曲竟撫琴曰顧彥先頗復賞此不因大慟遂不執孝  
子手而出此二事如一又王仲宣好驢鳴旣葬文帝臨  
其喪顧語同遊曰王好驢鳴可各作一聲以送之赴客  
皆一作驢鳴王武子喪時名士無不至者孫子荆後來  
臨尸慟哭畢向靈牀曰卿常好作驢鳴今我爲卿作體  
似眞聲賓客皆笑孫舉頭曰使君輩存令此人死亦復  
相類

蘆浦筆記卷三

五知不足齋叢書

雁行

禮記王制兄弟之齒雁行史記魏世家無忌謂魏王請  
爲天下雁行頓刃韓世家陳軫言必不爲鴈行以來索  
隱曰旅進也晉庾中郎與王平子鴈行庾喬元日朝賀  
不肖就列曰喬忝爲端右不能與范興話爲鴈行

打字

歐陽公歸田錄云世俗言語之訛而君子小人皆同其  
謬惟打字耳如打船打車打魚打水打飯打衣糧打織  
打黏打量打試觸事皆謂之打漫錄以釋文取偏旁證



之謂打字從手從丁蓋以手當其事者也此說得之矣  
然世閒言打字尙多左藏有打套局諸庫支酒謂之打  
發諸軍請糧謂之打請一作糧印文書謂之打印結算謂  
之打算貿易謂之打博裝飾謂之打扮請酒醋謂之打  
醋打酒監一作鹽場裝發謂之打袋席地而睡謂之打鋪  
包裹謂之打角收拾爲打疊又曰打逆一作併畚築之閒  
有打號行路有打火一作併打包打轎負錢于身爲打腰  
飲席有打馬打令打雜劇打諢僧道有打化設齋有  
供荷胡床爲打交椅舞儺爲打驅儺又宋歌曲調打  
木樓床誰能坐相思又有打睡打嚏打話打鬧打鬪打  
和打合讀作閤打過打勾打了至于打糊打麪打餅打百  
索打條打簾打薦打蓆打籬巴街市戲謔有打砌打調  
之類因併記之

糝盆

今人祠祭或燕設多以高架然薪照庭下號爲生

曉其義子因執事合宮見御路兩旁火盆皆自疊麻糝始  
悟爲糝盆俗呼爲生也

蘆浦筆記卷第四

清江劉昌詩與伯

孫叔敖碑

楚相孫君碑不見書撰人名氏攷史記本傳列于循史之首獨載改幣高桐事為詳而碑則略之埋蛇陰德僅書于劉向新序屬子云云則在優孟傳然其文意皆不同碑謂生于季末仕于靈王則謬矣且莊之後為其為康為郊敖歷三世凡五十年始為靈安得仕于靈卒後數年而莊復封其子邠六一先生跋喜其得叔敖之名

一知不足齋叢書

兼以集錄二十年求之博且勤乃得之故不暇訂正耳

周府君名

漢周府君碑六一先生凡三四首跋最後方辨其名璟

蔣穎叔作武溪深案馬援南征其門人轅寄生善吹笛援為作歌和之名曰武溪深其詞曰

滔滔武溪一何深鳥飛不度獸不能臨乃謂名煜且押

嗟哉武溪何毒淫穎叔蓋仿而為之

之韻蓋石古剝落以其形似求合于君光之字故云爾

曾南豐集顧云從知韶州王之材得此碑書來曰按曲江縣圖經名晰則併與其形似而不辨何至遽信而以

六一為未詳攷耶

中陽里

漢高祖紀沛豐邑中陽里人也蓋里名中陽今漢書標注乃題云沛豐邑中豈公是先生誤筆邪因以知史筆無羨字

心經

釋氏心經其中自云般若波羅蜜多蓋梵語也嘗觀六一先生集古跋中乃書多心經經爲多心何以爲佛恐公誤筆爾因書以祛見者之惑

夔子國

蘆浦筆記卷四

二知不足齋叢書

夔州春秋時巴子國也今人言夔州以至文字閒率曰夔子國而不知其誤往往以劉禹錫爲證余考禹錫之記云夔子國也其文意謂夔乃子國蓋是兩句譌以傳譌因不復辨殊不知夔子國今實在歸州

揚州

廣陵志載揚之得名李巡以爲江南之氣躁勁厥性輕揚隋志亦謂江都人性躁勁風氣果決平陳之後頗變淳質俗敝稍愈于古蓋嘗疑之禹別九州揚居其一歷三代秦漢隋唐雖更徙分合不常而名終勿易論如前

隋以前揚人舉非良士美俗矣是豈古聖人所以  
州之意邪攷太康地記謂東漸太陽之位履正含文  
天氣奮揚故取名焉余嘗爲續志引斯言以冠篇首因  
爲一洗躁勁輕揚之恥云

漫錄地里門載巴丘縣以巴山得名縣有巴山故也巴  
丘晉屬廬陵梁改置巴山郡隋以來稱崇仁縣是也以  
上吳說予按臨江志建安四年孫策下豫章分置廬陵  
郡以孫賁爲豫章太守孫輔爲廬陵太守留周瑜鎮巴

蘆浦筆記卷四

三知不足齋叢書

丘裴松之注云巴丘縣前說謂晉屬廬陵固無異矣然  
九域志以新淦縣爲古巴丘城輿地志又以吳後主分  
石陽新淦兩縣置巴丘郡隋平陳開皇九年章洸巡撫  
東南遂廢巴丘郡復以新淦屬廬陵今縣南八十里峽  
江市有古巴丘廢城六十里閒有周瑜廟舊經載瑜歸江  
陵治行于巴丘病卒後人因祠之然則巴丘在新淦明  
矣豈崇仁又爲巴丘耶然皆謂屬廬陵又何也或云吳  
取荊州周瑜鎮巴丘乃今岳州巴陵郡始存之以俟博  
古者訂焉

賢女鋪

漫錄載南康有賢女鋪蓋祥符間女子姓劉氏夫死誓不再嫁父兄強之因自沈于水鋪因得名然予嘗過之壁間有碑記其大略似謂初嘗議昏已定而夫家貧父兄悔之別以許人女曰一身而二適雖未嫁柰節何父兄強之乃溺死亦云舊名貞女全與此不同豈信傳聞之誤耶

餘干

饒之餘干號于越攻閩粵王傳無諸搖皆勾踐之後秦

蘆浦筆記卷四

四知不足齋叢書

并天下以其地爲閩中郡諸侯畔秦無諸搖率粵歸番陽令吳芮又嚴助傳淮南王諫伐閩越書云越人欲爲變必先田餘干界中韋昭注越邑今鄱陽縣也于越得名以此而餘干之名縣不書所由起按玉山醫有二溪名上干下干合流至饒之東南而水回環因以名縣餘干是也

于越

于越之名以于溪入越地無以議爲也荀子云于越夷貉之子則有疑焉春秋定公五年書於越入吳注云於

發聲也史記又書爲于越注云發聲也與於同然則于於皆越人夷語之發聲猶吳人之言勾吳耳子謂此於越恐合是于越

管名

四明奉化縣凡七鄉皆有一管名如曰廣平松賢履信

鳴鴈黃甘嵩溪靈泉棲鳳他處未聞也善長案其名凡八而云七鄉疑

有

堯廟

桂林有堯舜廟堯廟在堯山下灘江中分舜廟在西岸

蘆浦筆記卷四

五知不足齋叢書

相望而有碑刻高崖韓雲卿文韓擇木八分書李陽冰篆額蓋舜葬蒼梧故於此立祠無可疑者堯廟則謂因山而立郡每歲於水際望祀南軒先生亦有祠唐帝詞云淳熙四年靜江守臣張栻旣新陶唐帝祠二月甲子率官屬祖謁祠下再拜稽首退而歌曰溪交流兮谷幽山作屏兮曾上皇胡爲乎於此畱謁冠佩兮充庭潔芳馨兮載陳純衣兮在御東風吹兮物爲春皇之仁兮其天日時序兮何言出門兮四顧渺宇宙兮茫然南軒是時毀諸淫祀而獨甞此二廟且修之抑不知嘗攷證其

所始乎蓋堯未嘗至南方若因山而祀則予曩游桂林  
大抵回環之山皆積石惟堯山則累土故此山因土而  
名珪恐非陶唐氏之堯若廟而祀之特此山之神可矣  
若曰唐帝恐成附會故願與博古者評之鯤案堯山之  
堯廟乃其後  
人所立張衡南都賦云遠世則劉后甘厥龍醢視魯縣  
而來遷秦先帝而追孝立唐祀于堯山蓋劉累遷于魯  
縣因立堯祠於縣之西山故謂之堯山  
水經淄水注甚明與伯特未之考耳

### 荆飲飛廟

四明城北鹽倉之西有荆飲飛廟無碑載神姓氏攷淮  
南子荆有飲非得寶劍於干隊還渡江中流暴風揚波

### 盧浦筆記卷四

六知不足齋叢書

兩蛟夾舟飲非謂柅船者曰有如此而得活者乎曰未  
嘗見也於是飲非瞋目攘臂拔劍曰武士可以在義說  
不可劫而奪此江中之腐肉朽骨弃劍而已余又奚愛  
焉赴江刺蛟遂斷其頭舟人盡活荆爵爲執圭孔子聞  
之曰夫善哉腐肉朽骨弃劍者飲非之謂乎今廟稱荆  
飲飛侯圖經亦謂州北有蛟池故老云嘗有蛟自江來  
窟於此人患之故卽其旁立飲飛廟以鎮之是則真以  
爲荆之飲非矣然予觀呂氏春秋荆有勇士次非蓋是  
姓次名非豈應以神姓名爲廟號而況加爲侯封哉且

次與飲非與飛字皆不同而好事者附會斬蛟之說以鎮蛟池強名之傳流至今載在祀典竟未有辨之者漢百官公卿表武帝太初元年更名左弋爲飲飛掌弋射則飲飛之名實始於此又宣帝紀神爵元年發應募飲飛射士服虔亦謂以材力名官若據建隆中鄆令金翊纂異記謂唐武德時郡爲鄆州至開元中改鄆爲明郡名奉化城號甬東地名句章軍號飲飛則此廟必因軍將之有功於人故人爲之祠爾官於此者合討論而正其名庶幾神亦歆其祀也

蘆浦筆記卷四

七知不足齋叢書

草鞵大王事

紹興癸丑予客淮南時右司陳子長損之蜀人也以庾節攝楚州往訪之從容言及蜀道上有百年古木枝葉繁茂陰可庇一畝故東西行者多憇其下或易扉屨則以其舊拋挂於枝上以爲戲久而積千百緡亦有小心事者徃徃皆應人固神之忽一士人應舉過之旁無人焉取佩刀削樹皮書曰草鞵大王某年月日降莫有知者洎回涂則已立四柱小廟堂矣士笑而不言三年再至則祠宇壯麗亦有十數家於其側驚而問焉則備言



其靈感士乃畱宿而扣神曰神之號蓋某戲書胡然而至此盛邪抑神何人也是夕夢神紫綬而請見告之曰予此近老鋪兵也平生不敢欺心揀汰之後每見負重而不能前者因爲送五里以息其肩無他長也不謂上帝錄是勞績顧未有所處得先輩書此號遂受較俸血食士曰若何爲而能靈感神曰是非予所能也每有禱雨暘或休咎卽爲奏帝帝以其誠隨扣得請爾士曰然則某之前程可問乎神曰諾再夕夢神告曰必俟某年而後登第當至何官已而皆驗然則神亦何常之有人苟有一善上帝無不錄之積惡亦然可不知所擇哉

蘆浦筆記卷四

入知不足齋叢書

蘆浦筆記卷第五

文論二字

趙清獻公充 御試官日記

二月二十六日

正書第一百二十七號 或廿六號

宣赴崇政殿後水閣同會共酌

直孺內翰

公文正殿對 宣帶瓜茶餅

貫之雜端充編排官

御前劄子三道下編排所

二十七日晴

上御崇政殿試進士明經諸科舉人

蘆浦筆記卷五

一知不足齋叢書

王者通天地人賦

天德清明詩

水幾於道論

出老子道經

聖駕幸後苑往來迎駕

御藥院公文二道傳 宣精加考校

內臣二人傳 宣賜食并酒

編排三四五等第一百二十七等

廷博案疑是共一百二十七號

二十八日晴

公文 諭旨

內臣傳 宣賜文儒二字

聖駕卯刻幸考校所

編排經生

特奏毛詩十一人 特奏尚書九人

特奏明法四人

傳 宣賜食二酒一茶

二十九日陰旬休

傳 宣賜酒七寶茶

初考經學官 王惟熙 祝諮 夏璋

覆考經學官 王彭 張兌 朱從道

蘆浦筆記卷五

一 知不足齋叢書

詳定官 賈壽 吳中復

封彌官 傅求 王陶

出義官 王逢 傅亦 盧士宗

三月一日微寒風

聖駕幸考校所 起居四拜

編排諸科卷子

一 宣賜酒食果子

二 日晴

聖駕幸覆考所 起居

宜賜酒食果子

第一謂學識優長辭理精純出眾特異無與比倫

第二謂才學該通文理周密於羣萃中堪為高等

第三謂藝業可采文理俱通須合得及第者

第四等謂藝業稍次文理粗通於此等中仍分優

劣優即為第四等上

第五等須必然合落者謂文理疎淺退落無疑

不考謂犯不考式

紕繆謂所試文字竝皆荒惡

蘆浦筆記卷五

三知不足齋叢書

六日陰寒

駕幸詳定所起居

點檢官 孫坦 鄭穆

進士初考官 沈遵 河馬光 裴煜

陸經

進士覆考官 祖無擇 鄭獬 李縉

王瓘

點檢官 孫洙一作淵 王廣淵

詳定官 楊畋 何郊 王安石

對讀官 胡稷臣 蘇 袞 傅堯俞

張次立 宋 迪 周孟陽

特奏名進士三十八人

作樂薦上帝詩

謹用五事以明天道論

編排特奏名進士卷子

賜酒果寒食節食

七日晴

駕幸詳定所 起居

蘆浦筆記卷五

賜寒食節上酒各二壺果子一合 又酒果冷食

編排進士卷子共一百號 特奏名一號

八日晴

駕幸編排所 起居訖進

呈進士卷子二道

御藥院錄白中書劄子進士以下等第云云

編排進士諸科等卷子

賜食酒果

九日清明雨

四知不足齋叢書

奏乞送焗字號卷重詳定

封彌關詳定五號奏取旨

御藥院關奉

聖旨看詳定奪鞞觥觥觥五號等事

善長案鞞音弓觥中

觥也。觥音。觥方音。南楚謂多爲觥。觥疑觥字之譌。音。觥角不正貌。觥音。歹角心也。觥音。刁龍之屬。

賜酒食果子

右日記一卷予家寶藏蓋清獻趙公手書也公

時爲右司諫直則翰林學士賈公黯貫之則

侍御史知雜事范公師道也按嘉祐六年

蘆浦筆記卷五

五知不足齋叢書

昭陵在宥已四十春而猶垂意科選親屈

翠華以次臨幸雖止已寒食休暇之辰孜孜不

廢且訓敕勞賜無日無之可謂至誠不息者矣

嘗攷

國史大中祥符元年書

帝徧至幄次諭李宗諤等各務精詳勿遺賢俊

四年書

帝徧至考官幕次天禧三年又書

帝幸考校官幕次撫問久之出七言詩賜晁迥

等今日記所書幸考校所者二幸覆考所者四  
幸詳定所者二幸編輯所者一是皆恪守孫謀  
而又加詳焉於戲盛哉宏乎

天佑生賢名臣輩出坐致太平而又畱爲奕世  
不窮之用近時

御試幕次在集英殿之前不復在殿後而駕幸  
之儀隻無有知之者蓋其廢已久則此記所補  
豈獨文字之間而已因備錄之

### 金花帖子

蒼蒲筆記卷五

六知不足齋叢書

唐進士登第者主文以黃花牋書其姓名花押其下使  
人持以報之謂之勝帖當時稱爲金花帖子 國初尙  
循其制子家藏王扶翼識一帖拓本帖皆長五寸許其  
闊半之翼識又有大護帖復書姓名於帖面攷登科記  
蓋 太宗端拱元年程宿榜扶第二人識第十四其下  
花押二一翰林學士尙書禮部侍郎知貢舉宋白一職  
方員外郎知制誥權知貢舉李沆後臨軒唱名此制遂  
廢周益公家亦有咸平二年盛京所得者其他不特未  
之見從而湮沒知之者亦鮮矣嘗觀開元遺事載新進

士及筆必以泥金帖子附家書謂之喜信是又足以見  
昔人之風範也

蘆浦筆記卷第五

蘆浦筆記卷五

七知不足齋叢書

音入之風範也

士及筆必以泥金帖子附家書謂之喜信是又足以見



蘆浦筆記卷六

金根車

崔豹古今注云金根車秦制也秦併天下閱三代之輿服謂殷得瑞山車一曰金根故因作為金根之車秦乃增飾而乘御漢因不改晉輿服志載金根車天子親耕所乘置耒耜於軾上乃知是車蓋耕車也及攷東京賦有農輿路木薛綜注曰此所謂耕根車然則金根耕根其名又異矣鯁案晉輿服志金根耕根原分爲二此合而一之非也唐莊懿公主下嫁田緒德宗幸望春樓饗之厭翟敝不可乘以金根

蘆浦筆記卷六

一知不足齋叢書

車代之公主出降乘金根車自此始豈非去古遠而意愈失邪韓昉為集賢校理史記中有說金根車處皆臆斷之曰豈其誤歟必金銀車也悉改根為銀至除拾遺果為諫院不受昉文公之二以而不知古抑又可歎國史輿服志載耕根車制如五輅之副駕六青馬駕士四十八人而以金根車為皇后之車或者因唐以代厭翟不復考古而分為二爾

季子碑

京口有十字碑世傳為孔子書曰嗚呼有吳延陵季子

之墓而季字作蜀子攷篆文皆無之得曾攷元豐中編  
潤州類集乃曰君子之墓後湖居士李仲殊題季子廟  
詩亦曰溪邊君子墓始悟爲君字非季子也六一先生  
謂古以竹簡書今字闊盈尺必非孔子作然古法帖有  
魯司寇仲尼書僅存十有二字內有有吳君子之五字  
與此碑字畫如一或者後人衍此題墓上要知夫子蓋  
嘗爲是書爾

瘞鶴銘 并序

華陽真逸撰

鶴壽不知其紀也壬辰歲得於華亭甲午歲化於朱方

廬浦筆記卷六

一二知不足齋刻本取書

天其未遂吾翔寥廓邪奚奪之遽也乃裹以玄黃之幣  
藏乎茲山之下仙家有立石旌事篆銘不朽詞曰相此  
胎禽浮丘著經乃徵前事出於上真余欲無言紀爾歲  
辰雷門去鼓華表雷聲我唯髣髴爾亦微冥爾其何之  
解化惟寧後湯洪流前固重扃此闕  
一字割荆門未下華亭  
爰集真侶瘞爾作銘

上皇山樵人逸少書

峯山徵上丹楊外仙尉江陰真宰立石

華陽真逸撰

上皇山樵人

鶴壽不知其紀也壬辰歲得於華闕一字當為華甲辰歲化於

朱万天其未逐吾翔闕一字當為寥廓邪奚奪闕二字遽也迺

以玄黃之幣藏乎茲山之下仙家无闕四字我竹此字故不完故

立石旌事篆銘不朽詞曰相彼胎禽浮丘闕二字余欲無

言爾闕五字當有雷門二字去鼓闕一字當為華表雷闕二字當為形義惟髣髴

事亦微冥爾將何之解化闕五字大不完又惟寧後湯洪

流前固重局右害弄日ナシ六字不完又闕七字華亭爰集真

侶瘞爾闕字或文但止於此未可知也丹陽真宰此四字不知其次

右前文鎮江別刻不知何人攷定後文乃邵樞密

蘆蒲筆記卷六

三和不足為韻書

亢就山下取所有字以意隳括故存其闕雖有差

異亦可參訂但前云逸少書圖經亦載羲之書六

一先生已論其非至謂或云顧況作銘蔡端明則

以字有楷隸筆當是隋代書而山谷乃斷然曰王

書不疑何也今攷銘引雷門鼓事按臨海記昔有

晨飛鵠入會稽雷門鼓中於是鼓聲聞洛陽孫恩

斫鼓鵠乃飛去恩起兵攻會稽殺逸少之子凝之

蓋在安帝隆安三年斫鼓必此時豈復有羲之誰

冒遽取以為引證哉然則非晉人又不辨可知矣

漁隱攷訂華陽真逸爲陶隱居推原本末或庶

焉

六合大同印

嘉泰壬戌子道經姑蘇於常賣翁得故紙一幅陳黓破碎上有印文方四寸餘朱色未落云六合大同之印按鄴侯傳唐肅宗在靈武徵天下兵所鑄頃嘗收拓本漢甌上刻此篆文本朝丞相李昉書其下謂家藏是印文而失之蓋乾德乙丑歲也

屏著

蘆浦筆記卷六

四知不足齋叢書

詩曰俟我於著乎而毛氏謂門屏之間曰著論語邦君樹塞門鄭氏謂於門樹屏以蔽之爾雅亦曰屏謂之樹至於蕭牆之內注曰牆謂屏也蓋古者門皆有屏禮緯曰天子外屏諸侯內屏大夫以簾士以帷簾帷雖非屏然以之爲蔽限亦屏之義今人稱士夫之家必曰門牆曰屏著是矣然多曰台屏從平聲則乃指屏風而言何不思之甚也因書以辨之

紫微王舍人夢

淳熙辛丑年王公清叔帥桂林予客焉暇日因語及自

合肥丁憂歸天台杜門客用一夕夢吏請料歷支俸詰之曰解官何繇得俸吏曰已出在外廊試取歷授之有頃持歷來示所批陳白金六小錠於前而去寤竊怪之未幾有自遠方惠書致餽者啟而視之與夢無差予嘗服膺是事臺餽往來世固有之而冥冥之中已批料歷則是銷折平生合得之物彼貪者多取以爲巧而不知其歷將特批屢批不一批矣故常與士夫誦言之具書之

### 四明寺

廬浦筆記卷六

五知不足齋叢書

四明僧廬在六邑總大小二百七十六所只鄞一縣城內二十六城外八十天童日飯千僧有王亦不下七八百人行去聲僕稱是是天童歲收穀三萬五千斛育王三萬斛且分布諸庫以罔民利等而下之要皆有足食之道嘗觀唐武宗時廢浮屠法天下毀寺四千六百招提蘭若四萬籍僧尼爲民二十六萬五千人今以一郡會之眞有是哉

### 佛牙

四明圖經載昌國縣九峰山吉祥院有辟支佛牙一枚

長四寸闊一寸舍利綴滿乃建炎初給事中黃龜年所  
施禡計之人長五尺兩牙不能半寸今一牙長四寸上  
下相合必倍之則佛須身長八丈方能容八寸之牙常  
聞佛號文六金身此乃五倍恐無是理黃給事何自得  
之而信之而施之邪世有越鳳必能驗真偽而斧之矣  
喘藥方

先君嘗施喘藥蓋用豚黃三兩不去根節湯浴過訶子  
二兩去核用肉二味爲餿末每服三大匕水二錢煎減  
一半入臘茶一錢再煎作八分熱服無不驗者後於彭

蘆浦筆記卷六

六知不足齋叢書

子壽侍郎傳一方用新羅參一兩作細末以生雞子青  
和爲丸如梧子大陰乾每服百粒溫臘茶清下一服立  
止嘗見知臨江葉守端卿言其祖石林病此專服大黃  
而愈其尊人亦苦此疾乃純用附子至某則非麻黃不  
可然則又觀其所稟如何且自謂其女幼年已喘傳至  
四世而用藥皆不同

蘆浦筆記卷第七

此事

漫錄改類對爲一門然經傳中可類者多矣姑以史記有八事相比因記之

宋世家熒惑守心心宋分野也景公憂之司星子韋曰可移於相公曰相吾之股肱曰可移於民公曰君者待民曰可移於歲公曰歲饑民困吾誰爲君子韋曰天高聽卑君有君人之言三熒惑宐有動於是候之果徙三度

蘆浦筆記卷七

一知不足齋叢書

楚世家昭王病於軍中有赤雲如鳥夾日而蜚王問周太史太史曰是害於楚王然可移於將相將相請以身禱於神王曰將相孤之股肱也今移禍庸去是身乎弗聽而河爲祟大夫請禱河王曰曰吾先王受封望不過江漢而河非所獲罪也不許孔子在陳聞之曰楚昭王通大道矣其不失國宐哉

楚世家伍舉曰願有進隱曰有鳥在於阜三年不蜚不鳴是何鳥也莊王曰三年不蜚蜚將冲天三年不

鳴鳴將驚八

淳于髡傳齊威王時喜隱髡說之以隱曰國中有大鳥止王之庭三年不蜚又不鳴王知此鳥何也王曰此鳥不蜚則已一蜚沖天不鳴則已一鳴驚人

韓非傳秦王見孤憤五蠹之書曰嗟乎寡人得見此人與之游死不恨矣李斯曰此韓非之所著書也非使秦秦王悅之

司馬相如傳上讀子虛賦而喜之曰朕獨不得與

蘆浦筆記卷七

二知不足齋叢書  
本慶戊寅重刊

此人同時哉得意曰臣邑人司馬相如自言爲此賦上驚乃召問相如相如曰有是

孫子吳起贊能行之者未必能言能言之者未必能行孫子籌策龐涓明矣然不能蚤救患於被刖吳起說武侯以形執不如德然行之於楚以刻暴少恩亾其軀悲夫

白起王翦贊鄙諺云尺有所短寸有所長白起料敵合變出奇無窮聲振天下然不能救患於應侯王翦爲秦將夷六國當是時翦爲宿將始皇師之



然不能輔秦建德固其本根偷合取容以至物身  
彼各有所短也

白起傳武安君引劔將自剄曰我何罪於天而至此哉  
良久曰我固當死長平之戰趙卒降者數十萬人  
我詐而盡阬之是足以死遂自殺

蒙恬傳恬喟然太息曰我何罪於天無過而死乎  
良久徐曰恬罪固當死矣起臨洮屬之遼東城塹  
萬餘里此其中不能無絕地脉哉此乃恬之罪也  
乃吞藥自殺

蘆浦筆記卷七

三知不足齋叢書

重刊

孟嘗

齊王毀廢孟嘗君諸客皆去後召而復之馮

驩迎之孟嘗君歎曰文常好客遇客無所敢失食

客三千有餘人先生所知也文一日廢皆背文去

莫顧文者今賴先生得復其位客亦有何面目復

見文乎如復見文者必唾其面而大辱之驩曰君

之言失富貴多士貧賤寡友事之固然也君獨不

見夫朝趨市者乎明旦側肩爭門而入日暮之後

過市朝者掉臂而不顧非好朝而惡暮所期物亡

其中今君失位賓客皆去不足以怨士而徒絕賓

客之路願君遇客如故孟嘗君再拜曰敬從命矣  
廉頗傳頗之免長平歸也失執之時故容盡去及  
復用爲將客又復至頗曰客退矣客曰吁君何見  
之晚也夫天下以市道交君有執我則從君無執  
則去此固其理也有何怨乎

豫讓傳趙襄子滅智伯讓乃變名姓爲刑人入宮塗廁  
中挾匕首欲以刺襄子襄子如廁心動執問則內  
持刀兵曰欲報讐

張耳傳上從東垣還過趙貫高等乃壁人柏人要  
蘆浦筆記卷七

四知不足齋叢書

之置廁上欲宿心動而去

欒布傳復爲燕相燕齊之閒皆爲立社號曰欒公社

萬石君傳慶爲齊相舉齊國皆慕其家行不言而

齊國大治爲立石相祠

啓母石

漢武帝无封元年詔云見夏后啓母石師古曰啓夏禹  
子也其母塗山氏女也禹治鴻水通轅轅山化爲熊謂  
塗山氏曰欲餉聞鼓聲乃來禹跳石誤中鼓塗山氏往  
見禹方作熊斲而去至高高山下化爲石將生啓禹曰

歸我子石破北方而啓生事見淮南子予觀漫錄載廣  
德軍祠山張王事正相類王本前漢吳興郡烏程縣橫  
山人始於本郡長興縣順靈鄉發迹役陰兵導流欲抵  
廣德縣故東自長興荆溪疏鑿聖瀆先時與夫人李氏  
期每餉必鳴鼓三聲而王自至不令夫人至開河之所  
後遺殮於鼓乃爲烏啄王以爲鼓鳴而餉至詣鼓壇知  
鳥所誤遂巡夫人至鳴鼓王以爲誤而不至夫人遂詣  
興工之所見王爲大豬驅役陰兵開鑿河瀆王變形未  
及恥之遂遷於廣德縣橫山之頂居民思而立廟於山

蘆浦筆記卷七

五知不足齋叢書

西南隅夫人至縣東二里而化人亦立廟

仙小

開禧乙丑子竊太常第敕頭毛自知同在期集所從容  
問及預有朕兆否曰無之獨仙卜陳省幹者自應舉以  
至省試皆以魁相許而皆不驗唱名前一日再扣之仍  
大書一魁字卽以墨塗去續書默而識之四字詰朝果  
在第一子初料墨塗者不欲泄爾閱三年有旨降五甲  
豈非前定乎嘗記政和中有觀妙明真洞微先生王老  
志喜言人休咎編修王甫問他日所至書太平寧相觀

字遺之而以墨塗滅其字後甫敗方悟其意甫卽黼也  
事有相類如此

蘆浦筆記卷第七

蘆浦筆記卷七

六知不足齋叢書

蘆浦筆記卷七

蘆浦筆記卷七

蘆浦筆記卷第八

至和拜相制

門下朕寅奉丕圖思臻至治總萬機而日慎舉盛典以  
交修期與輔臣底寧縣寓其有翼宣王度裁成物宜燮  
陰陽之和處丞弼之任式資宰茂秉於大鈞矧嘗選材  
久滋著效爰登中鉉敷告外庭推忠佐理功臣正奉大  
夫尙書工部侍郎參知政事上護軍彭城郡開國侯食  
邑一千八百戶食實封二百戶賜紫金魚袋劉沆雅性  
內融敏識先覺以沖約而率履不夷險以易心文成國

蘆浦筆記卷八

一知不足齋叢書

華學臻道奧樂名教以爲己任罄智慮以翊帝謨廼者  
擢自書林更於右史亟升西掖出守南州屢換圭符夙  
實一作宣精力屬中都之擇尹正內閣以參華歲律未周

風績彌著式圖寅亮用贊謨明俾佐股肱之良參斷邦  
國之務具瞻斯屬嘉猷誕彰進聯右輔之崇允協庶邦  
之望兼榮書殿仍峻貴階增勳級與褒功益爰田及眞  
食於戲贊萬樞之重允賴於忠純底率土之和必資於  
英傑當申茂略以恢遠圖可特授金紫光祿大夫依前  
行尙書工部侍郎同中書門下平章事集賢殿大學士

加上柱國仍進封開國公加食邑一千戶食實封四百戶賜推忠協謀佐理功臣封如故主者施行

右制書至和元年中秋日下趙槃視草公之元孫石城尉德循實寶藏之周益公嘗書其後云制詞與今實錄所載不同多爲史官潤色惟不改雅性內融敏識先覺八字此殆後世公議非一時褒語也又云制當用綾紙十八幅今才二幅之下脫兩幅因併錄之

資政莊節王公家傳

蘆浦筆記卷八

二知不足齋叢書

公諱復字景仁淄州淄川縣人也曾祖吳國子博士祖珍尙書虞部員外郎父愈澶州濮陽縣令贈光祿大夫公少好讀書博通史傳慷慨有氣節家有唐以來名臣畫像每指顏杲卿像謂人曰士當艱難時捐軀殉節如顏公始無愧於天地閒矣以門蔭補官試大法中選授大理評事遷本寺丞公家故饒財不樂私蓄嘗率其里之貴豪遇郊祀歲各輸銀絹十萬以助賞賚郡國效之公亦未嘗有希恩意久之除京東輦運遷京東路轉運判官按屬部道過淄川父老迎候公下車慰謝先是淄

民多苦調外苛征公嘗與父老言他日或能奏凱之至  
是以白公公曰官身不敢言然重食吾言以爲父老羞  
敢以私田之入代輸三年除兩浙轉運副使時太平日  
久民不知兵方臘初叛所過守將望風奔駭公下令所  
部嚴保壘修戰備竭力討賊屢戰有功賊平擢徽猷閣  
待制遷都轉運使朱勔以花石奉良嶽多取漕艦以載  
號直達綱公曰今盜起倉卒飛輓繁困而佞幸之徒猶  
實苑囿以惑上心固執不與勔力譖於上公上疏奏謂  
不可以不急之務疲民費財請一切罷之歲餘除知穎  
廬浦筆記卷八

三知不足齋叢書

昌府移陝府陝右民號難理公至開布威信不兩月大  
治民皆悅服擢龍圖閣直學士以公事忤宰相王黼降  
充龍圖閣待制移知成都府興利去害治與陝等民繪  
像立祠刻石紀異

高宗皇帝卽位詔公知徐州明年北人犯順粘罕以衆  
數萬寇徐徐城孤執危公領兵合戰數不利遂閉城拒  
守敵重圍夾攻晝夜不息城中兵糧單竭死者甚衆敵  
執益張凡二十餘日城陷公躬擐甲胄卷戰竟日度不能  
禦乃反州治易朝服南鄉再拜曰臣受國厚恩當以死報

今日得死所矣且謂賊曰死守者我也監郡而次亾與  
焉可獨殺我而舍僚吏與百姓敵雖悍狡聞公言亦凜  
然嘆異曰若使南朝皆如公我輩豈得至此今汴京已  
陷二帝已北去公尙爲誰守乎公罵不絕口敵復說曰  
必欲全活生靈請立降當馮易官封命汝就知此州以  
撫殘民公曰爾毋誘我吾誓有死耳敵察其無降意命  
左右搗其口流血盈襟公猶含血唾之子倚在傍不勝  
憤怒突出見粘罕顧手無挺刃得布囊盛磚擲之力少  
差中其旁子戶長斃粘罕怒卽執倚劊其心以祭子戶

蘆浦筆記卷八

四知不足齋叢書

長欲懼公以速降公不顧爲敵敲死闔門百口俱遇害  
時建炎三年正月二十九日也帳下趙立求得公屍拜  
伏慟哭畏以裊褥藁瘞於黃樓側累甃成塚以識之復  
擁兵守禦撫定其眾敵退朝廷就命立知徐州立具奏  
其事天子震悼詔特贈資政殿學士諡莊節給恩澤五  
資賻贈絹布各二百匹初公之未遇害也筮而遇乾六  
體不變術者曰滅門之象也國家運數方屯待制宜早  
爲計不然將及於難公曰死生定數也等死苟獲死所  
敢逃乎卒時年五十二敵初薄城下民不得逃公陰令



聞道潛行得脫者數千人徐人立廟祀公及倚亦呼爲  
雙廟有禱輒應立復奏其異於朝敕賜名曰忠烈立出  
師必禱曰公爲朝廷盡節以歿必能陰佑遺民也積官  
至正議大夫累贈光祿大夫娶趙氏濮邸肅恭僖王宗  
博之女封安平縣主贈永康郡夫人再娶劉氏章獻明  
肅皇后之姪徐州陷爲虜將所獲不食五日而卒  
贈咸平郡夫人先是公長子侑以太僕丞從高宗過惟  
揚及趙立已亡徐州有武衛軍舊隸於公義不有他屬  
散歸在所願以從侑高宗聞之詔於樞密院創計議官

蘆浦筆記卷八

五知不足齋叢書

特命侑爲之仍領武衛紹興八年和好成奏乞訪先臣  
遺骸優詔許之行至泗州馬上得疾抵徐城驛暴卒明  
年奉使藍公佐迎護徽宗梓宮交割地界遣書屬當路  
漕使訪公瘞所漕委幙屬王之翰往焉初趙立藁葬公  
於黃樓之側及敵據京東水久弗治彭城皆瀰漫沒故  
跡莫得其所忽有老媪指而謂之翰曰子非求王待制  
瘞所乎其在是閒卽所指求焉有塚巋然蓋以獸瓦啓  
視見大鼃覆其上回顧老媪化爲虎而去徹簣取骸聯  
絡不斷類瓊子骨然獨一手指闕之翰復炷香泣禱須

輿有指一節浮水上行

一作道

路聞之莫不嘆駭之翰易

棺斂敢於京師資聖院後聞鄉中子孫徙葬於兗州萊

蕪縣先塋云紹興十年承宣使田諤扈從顯仁太后

回鑾侑子達畱淄州南北隔絕以詩送諤曰兩地音塵

隔死生十年常效執珪吟羨君已作遼東鶴顧我空存

魏闕心日下旣蒙新眷遇海邊休忘舊知音倘憐萬里

親庭在爲向雲山處處尋詩至而侑卒已一歲矣聞者

哀之藍公佐使還侍高宗語次論中興以來忠臣子孫

因奏及之上曰王侑有兒女否公佐奏曰侑五子流落

蘆浦筆記卷八

六知不足齋叢書

中原後居江南所生兒女尙俱幼弱今侑旣卒窮困可

憐上心惻然詔令諸女入禁中命宮嬪保養之凡十餘

年一日內庭曝書見囊封有忠烈二字亟命取閱乃公

佐奉旨令王氏女入內事上覽之驚問左右卽日召見

賜金帛敕命嫁遣之公姿貌豐碩動容中禮孤忠直氣

自其天資父子一門忠孝兼全歿而廟食英烈如存平

生樂於薦賢有知人之明如秦檜洪皓皆公所薦起立

行伍至秉節鉞實因公激勵而然事在立傳中

右傳得於公之元孫默將以脩太史氏之採錄

卞氏二牒

敕泰州團練使

卞居讓

牒奉 處分前件人搢紳之後簪組遺芳雖早著於  
嘉猷柰未光於餘刃陳力就列自媒之志既隆見善  
若驚舉直之規斯在苟非半刺難屈多能事須差擷  
長史仍牒知者故牒

建隆元年二月 日牒

團練推官將仕郎試大理評事趙 押

盧浦筆記卷八

七印不足齋叢書

通判官兼僉署兩監屯田等公事衛 押

團練副使檢校刑部尚書事吳 押

使兼兩監屯田等使檢校太尉荆 押

宣徽院

引見司劄子宣徽院押到殿前承旨卞居讓宿患  
癱風病翰林院著醫官裴喬看驗久遠不堪醫治  
引見奉

聖旨放停送宣徽院者

右具如前已指揮殿前承旨左第二班依

聖旨放停仍以開落姓名今付卞居讓依此

太平興國八年九月四日

宣徽南院使兼樞密副使柴

押

右牒卞氏故物相傳二百餘年南渡寓惟揚敵騎  
驟至亟瘞之地中尋復出於兵火煨燼可謂能寶  
青氈者矣攻媿樓公嘗考其所自云前曰敕泰州  
團練使乃檢校太保姓荆者敕授之官如今之公  
牒前心曰知某州軍州事之類也自牒奉處分以  
後則泰州之公移也既差卞君攝長史故爲之詞

蘆浦筆記卷八

八知不足齋叢書

其後列銜皆泰州之官印文凡七皆泰州團練使  
印唐朝固有紙告而此非告也後一紙宣徽院之  
文姓柴者禹錫也禹錫以太平興國七年四月拜  
樞密副使至雍熙二年冬方罷而此文乃八年九  
月所給故知其爲禹錫也國朝舊制宣徽二使通  
掌院事共院異廳止用南院印又南院比北院頗  
優或兼樞密亦掌本院皆與此合晉天福五年除  
翰林承旨改殿前承旨爲殿直或云淳化二年始  
改殿前承旨爲三班奉職蓋蘇公易簡以是年除

承旨而其次子耆次續翰林志云舊有殿前承旨  
其父拜翰林承旨上以稱呼不別又以其與清貴  
混淆詔改爲三班奉職以避其稱因備載之

蘆浦筆記卷第八

蘆浦筆記卷八

九知不足齋叢書

蘆浦筆記卷第九

白玉樓賦

崑崙巖岌璀璨流離高明而廣大者天上之白玉樓也  
鬼作神械梯雲駕風杳杳藹藹穹穹窿窿端不可以名  
舉而數同似當作窮也陞臺九仞管掀百層反宇吸日飛費

列星喏不可以意搆而力營也前臨瑤池千頃之寒波

傍帶銀潢萬壘之高一作素浪俯烏兔之出入瞰雲霞之直

上蓋九萬風斯在下矣雖章華三休井幹百尋顧孰與  
爭雄而誇尤乎宜其澡心於廣漠之清淵宅意於無垠

蘆浦筆記卷九

一知不足齋叢書

之元圃策氣馬以上征儼神驂而陟步歛兮忽兮排天  
闔而遨遊焉請掇其梗槩而言之方茲樓之經始也斗  
舌下命魁靈制權颺御馳駟霆霓急鞭瘦崑山空藍田  
羣劊劊裁方圓輪以六甲董以羣仙惟五城一觀之珍  
三獻不逢之寶蓋於此山積而雲駢然後大匠課程羣  
工謹度琢瑗鶯瑛闕珪疊璐層翬翼翼鵬翅騫雲修梁  
眈眈虹腰漲霧跨空則璆檻瑛橋直明則瑀窻琛戶鏤  
飛僊以承檐刻蛟龍而紉柱鼉矯首而戴墀虬怒髯而  
攫礎飛鳴之鳥則縞鳳霜鸞華實之林則瓊枝珠宇騰

輝而曜魄挫。比縵而冰花奪。素翕霍晶熒。莫得定視而熟睹也。爾乃迹脫几近。身居沆寥。追逸駕於若土。揖高蹤於盧敖。窺倒景之列缺。躡闔風之扶搖。時則有龍驂鶴馭。軼彤霧而駐軌。千乘萬騎。擁紫皇於岿嶷。霓旌羽節。光倩冽以目眩。玉童華女。眾駈踏而雲廳。或鏗金而戛玉。或拊琴而鳴匏。曲非世律。聲度凡韶。差冠累弁者。皆冰膚而瓊質。承顏接詞者。率精會而神交。况不知其所自。真放浪而逍遙者也。彼穆王遊化人之宮。黃帝夢華胥之國。超乎雲霓之上。介乎台衡之北。傳後世以誇雄語。茲樓則兼金一羽之相直矣。若夏草談妙。齊諧志怪。券宇宙之無極。狀鷓鴣之變態。顧倉常嗜瓊單。見狹聞何足語。樓之高大邪。

亂曰

瓊爲棟兮。琚爲梁。鸞退翥兮。龍高驤。瑠欄瑋檻兮。屯冰霜。日精月華兮。埋輝光。雲繚基兮。霞擁址。星爲經兮。漢爲紀。俯齊州兮。九點。煙瞰蒼溟兮。一杯。水翠旌孔蓋兮。駮玉虬笙簫。香默兮。帝來游。停驂。弭節兮。駐雲。輶帝心愉樂兮。民咸休。

唐李賀苦吟能詩韓愈杜牧所知解道其詳見於  
本史因闕賀小傳平居一日忽見緋衣吏駕赤虬  
持一版書若太古篆霹靂石文者云當召賀賀不  
能讀歛下榻叩頭緋衣人笑曰帝成白玉樓立召  
君爲記窗中勃勃有煙氣聞行車駉管之聲如炊  
五斗黍許卒觀賀詩語清峭人物超邁真神仙中  
人跨赤虬去當是高仙無疑大觀庚寅臘後二日  
宣和殿書并畫

右賦

蘆浦筆記卷九

三知不足齋叢書

道君皇帝親灑宸翰於圖之後石湖跋云自玉  
階及紅雲法駕之後以至六小樓意趣超絕形  
容高妙必夢游帝所者彷彿得之非世間俗史  
意匠可到明窻淨几盡卷展玩况然便覺身在  
九霄三景之上簡齋集有水府法駕導引曲乃  
倚其體作步虛詞六章羽人在不俗者使歌之  
風清月明之下雖未得仙亦足以豪矣詞二云  
琳霄境卻似化人宮梵炁彌羅融萬象玉樓十  
二倚晴空一片寶光中二云浮黎路依約太微



閉雪色寶階千萬丈人間遙作白虹看  
煙節度高寒三云剛風起背負玉虛廷  
九素煙中寒一色扶欄四面是青冥  
環拱萬珠星四云流鈴響龍馭籥雲  
來夾道塞華籠綠仗紅雲扶輅輦天  
街迎駕鶴珥穗五云鈞天奏流韻滿  
空明琪樹玲瓏珠網碎仙風吹作步  
虛聲相和八鸞鳴六云樓欄外輦道  
插非煙閒上鬱蕭臺上看空歌來自  
始青天揚袂揖飛僊

祭蝗蟲文

蘆浦筆記卷九

四知不足齋叢書

維某年月日右修職郎特差知壽春府安豐縣王又布呂謹以清酌之奠祭於蝗蟲之神而告之曰古先哲王之有天下也兢兢畏於事天治人之禮無不盡然猶九年之水七年之旱見於堯湯之時是知數之所鍾有不可得而道者則蝗蟲之來此土食民之產以肥其身以孽其子孫亦宐矣然嘗聞漢之循吏一有善政而蝗不入境至於李唐太宗吞一蝗而眾蝗死當時仰其德後世歌其事鏗鏘炳明邊人耳目迨茲以爲美談今天子嗣神聖位聰明仁厚出於天性凡事有不法天政有不

便民者一切革而去之老姦巨猾既耨以耘不萌不芽  
無所容跡嶺海吳蜀江淮荆湖之民費連襲交仰事俯  
育熙熙于于各得其所却視漢循吏唐太宗何啻萬萬  
不侔則蝗蟲之來處此土食民之產以息其身以孽其  
子若孫其爲不可亦明矣且縣令受天子命來宰是邑  
其治以撫養百姓爲事則蝗蟲之與縣令又不得竝居  
此土也道安豐而西北走四十里卽北人之界彼其暴  
虐無道弑君殺母無所不有蝗蟲捨此而去彼誰爲不  
可者今與蝗蟲約三日北歸三日不能五日五日不能  
七日若七日不歸是終不肖歸矣是徂蕃夷之餘習以  
害我聖朝之善治夫徂蕃夷之餘習害聖朝之善治與  
傲天子之命吏不聽其言而爲民害者其罪皆可殺縣  
令則取詩人去螟之語唐相捕蝗之命以與蝗蟲從事  
必盡殺之廼止無俾遺種於茲邑蝗蟲有知其聽縣令言

右文蓋學昌黎鱗魚文者也項傳得之附錄於此

### 愨齋銘

家君命杓以愨名其齋而命杖銘以告之杖敬問所以  
爲銘之意蓋取夫孔子曰士必愨而後求智能退而深

思以爲之銘

士或志近辯給智巧學之不知其器則小天下之理惟實爲貴實不在外當慤乎已不震不搖物孰加之以此操行誰曰不宐古之君子惟斯之守不可小知而可大受故以此事親斯爲孝以此事君斯爲忠以此事兄斯爲悌交於朋友斯爲信子其深思而不忒維師乎慤以令子之德

右銘不載集中蓋當時此紙流落今幸寶藏遺墨先生作銘時年二十有三實乙亥冬十月辛卯也

蘆浦筆記卷九

六知不足齋叢書

驩飲箴

合驩以禮爰有酒食議者其誰伊嬪之職一獻百拜尚何酒失後世非古沈湎淫泆婦不復議而侑以色競致妖靡用侈燕席求之萬方百金不易持觴一曲飲醕顏開主勸客酬笑言歡怡夫豈不樂嗟禮何在狂者斷腸莊毅色改戲狎因之東主亦悔主賓胥失顧不足戒襟解薶間一石其飲談諧之詞以風其甚紅裙是醉有如聚蚊吏部所鄙清篇實云咨爾有位是懲是愆勿違斯言以愆德義

驩會誓

侍女之席誓不敢卽渝盟一 歿神質於旁山童石爛言則可誕山崇石堅此言不一 愆

右箴誓司農少卿楊

解

正伯揭於坐右公臨江鄉

人也清介有守此文蓋有所懲云

蘆浦筆記卷第九

蘆浦筆記

九

北知不足齋叢書

蘆浦筆記卷第十

杜詩句差

滑詩覓胡孫第二聯舉家聞若駭爲寄小如拳每疑其  
非是趙叟謂合移斷章童穉捧應顛作第四句卻於許  
求聰惠者下云爲寄小如拳則一篇意義渾全亦成對  
偶

籌筆驛詩

漢室虧皇象坤乾未卽寧姦臣與逆子搖嶽復翻溟  
瀛表分江域曹袁鬪夏坳虎奔咸逐逐龍卧獨冥冥從累

蘆浦筆記卷十

知不足齋叢書

非無術欺孤迺不經惟思恢正道直起復炎靈管樂霸  
方略關徐厥觀聽一言俄選主三顧已忘形南旣清營  
土東期赤魏庭出師功自著治國志誰銘歷劍兵如水  
臨秦策若領舉聲將潰虜橫勢欲逾涇仲達恥巾幗辛  
毗巖壁局可煩親細務遠見墮長星戰地悲陵谷來賢  
賞德刑意中流水遠愁外舊山青想像音徽狂侵尋毛  
骨醒遲畱慕英氣沈歎撫青萍

右驛在蜀中綿州石曼卿爲諸葛武侯賦也寶元  
二年大以遺朱復之後二年朱爲四明節度推



官遂刻石於廳事中更兵火碑仆於榛莽閒凡百  
餘年劉偉至出而函置南堂壁閒且以名其堂闕  
一角失十五字紹熙元年守林采得曼卿集而補  
之且舉范文正公誄石學士書於後云曼卿之詩  
氣雄而奇大愛杜甫酷能似之曼卿之筆顏筋柳  
骨散落人閒寶爲神物今觀此詩此字則所謂寶  
爲神物非虛器也青萍劍名杜詩秦州見敕目除  
薛畢有誰定握青萍之句

回峰院畱題

蘆浦筆記卷十

二知不足齋叢書  
嘉慶戊寅重刊

山勢欲壓海禪局向此開魚龍腥不到日月影先來樹  
色秋擊出鐘聲浪荅回何期隨吏役暫得拂塵埃

右文康王公所賦公諱

英廟  
同字

字晦叔嘗宰定海縣

景祐中爲執政開禧丙寅商逸鄉得諫古遺墨刻  
於縣治願豐亭

米小儀題禊帖詩

匱契朴瑀推聖智萬古奔沈餘末仗蘭亭醉墨更無加  
始信功名皆儻爾庾翼兒郎豈不黠自是家雞慙野雉  
退之彊括六藝踈見處纔能到姿媚相公有官那得取

不與官家深自祕，卻因同好露心胸。謾使蕭翼誇末計，摸金不必曹阿瞞。溫韜家有昭陵器，披沙只恐取黃金。剔軸誰能收故紙，天章寶塔高巉峨。永表文皇好文藝，至今油蠟傳未休。善本何辭萬金弃。

絕覽亭詩

安仁縣雲錦驛後山顛有絕覽亭，鄭剛中亭仲過而刻詩柱上云：目力所臨皆在下，亭名絕覽未爲叨。大來心地當如此，此外應知更有高。大來一作丈夫

康伯可詩

蘆浦筆記卷十

三如不足齋箴書  
嘉慶戊寅重刊

紹興閒康伯可過臨江游慧力寺題二詩於松風亭壁。今遺墨不存，因錄以備忘。其一天涯芳草盡綠，路傍柳絮爭飛啼鳥一聲春。晚落花滿地，人歸其一江上濃雲曉未開。瘦筇支我上蒼苔。春寒前日去已盡，今日又從何處來。

胡藏之詩

臨江詩人胡藏之，蓋彥明之子。彥明與山谷進士同年，故藏之以詩取知於山谷。嘗侍燕席以梓中果子分題賦詩，藏之得藕云：平生冰雪姿，七星羅心胸。豈無有絲

毫上禪天子聰而不自薦達胡爲乎泥中沈疴政無賴  
安得君從容其子亦可憐風味如乃翁藏之亦有瘞鶴  
銘詩云當年誰爲暴元黃糊打孤城草木荒華表竟無  
新信息斷碑空有碎文章雲埋紫蓋峰何在煙鎖青田  
道正長遙想華亭披道筆夜隨明月過錢塘藏之名致  
隆自號瀟灘居士無子故遺稟不傳

石芥詩

淳熙辛丑子客桂林運使梁次張舉似石芥詩今未忘  
也擷根山石貯瓶罌柱後緘題見者頽風味莫嫌無醜

蘆浦筆記卷十

四知不足齋叢書  
重刊

藉盃杵甚解作聰明願言則噓傳心事搔首踟躕散宿  
醒最是徂徠名道地至今姦膽亦魂驚

丫頭巖詩

巖前壁間題者甚多子獨愛鄉人彭仲衡思致高而無  
著其詩云前峰號龜豈一作是龜近巖謂月亦匪一作

月世閒景幻語未眞說著丫頭便癡絕蒼然頑石自天  
成道傍過者皆含情我來於此發浩嘆乃知有色能傾

城

上元詞



春曉千門放鑰匙萬官班從出祥曦九重綵浪浮龍蓋  
一點紅雲護赭衣車馬過打球歸芳塵酒定不教飛鈞  
天品動回變曲十里珠簾待日西  
日暮迎祥對御回宮花載路錦成堆天津橋畔鞭聲過  
宣德樓前扇影開奏舜樂進堯盃傳宣車馬上天街君  
王喜與民同樂八面三呼震地來

紫禁煙光一萬重五門金碧射晴空梨園羯鼓三千面  
陸海鼇山十二峰香霧重月華濃露臺仙仗綵雲中朱  
欄畫棟金泥幕捲盡紅蓮十里風

蘆浦筆記卷十

五知不足齋叢書

重刊

香霧氤氳結綵山蓬萊頂上駕頭還繡鞵狨坐三千騎  
玉帶金魚四十班風細細珮珊珊一天和氣轉春寒千  
門萬戶笙簫裏十二樓臺月上欄

禁衛傳呼約下廊層層掌扇簇親王明珠照地三千乘  
一片春雷入未央宮漏永御街長華燈偏共月爭光樂  
聲都在人聲裏五夜車塵馬足香  
寶炬金蓮一萬條火龍圍輦轉州橋月迎仙仗回三殿  
風遞韶音下九霄登復道聽鳴鞘再頒酥酒賜臣僚太  
平無事多歡樂夜半傳宣放早朝

玉座臨軒宴近臣御樓燈火發春溫九重天上聞仙樂  
萬寶牀邊侍至尊花似海月如盆不任宣勸醉醺醺豈  
知頭上宮花重貪愛傳柑遺細君

九陌遊人起暗塵一天燈霧鎖彤雲瑤臺雪映無窮玉  
閨苑花開不夜春攢寶騎簇雕輪漢家宮闕五侯門景  
陽鐘動纔歸去猶挂西窻望月痕

宣德樓前雪未融賀正人見綵山紅九衢照影紛紛月  
萬井吹香細細風複道遠暗相通平陽主第五王宮鳳  
簫聲裏春寒淺不到珠簾第二重

蘆浦筆記卷十

六知不足齋叢書

重刊

風約微雲不放陰滿天星點綴明金燭龍銜耀烘殘雪  
羯鼓催花發上林河影轉漏聲沈縷衣羅薄暮雲深更  
期明夜相逢處還盡今宵未足心

五日都無一日陰往來車馬鬧如林葆真行到燭初上  
豐樂遊歸夜已深人未散月將沈更期明夜到而今歸  
來尙向燈前說猶恨追遊不稱心  
徹曉華燈照鳳城猶嗔宮漏促天明九重天上聞花氣  
五色雲中應笑聲頻報道奏河清萬民和樂見人情年  
豐米賤無邊事萬國稱觴賀太平

憶得當年全盛時，人情物態自熙熙。家家簾幙人歸晚，處處樓臺月上遲。花市裏，使人迷。州東無暇看州西。都人只到收燈夜，已向樽前約上池。  
步障移春錦繡叢，珠簾翠幙護春風。沈香甲煎薰爐煖，玉樹明金蜜炬融。車流水，馬游龍。歡聲浮動建章宮。誰憐此夜春江上，魂斷黃梁一夢中。

眞箇親曾見太平，元宵且說景龍燈。四方同奏昇平曲，天下都無歎息聲。長月好，定天晴。人人五夜到天明。如今一把傷心淚，猶恨江南過此生。

蘆浦筆記卷十

七知不足齋叢書

右鷓鴣天十五首，備述宣政之盛，非想像者所能道。當與夢華錄並行也。

又

蜀人閻侍郎蒼舒使北過汴京賦水龍吟少年間說京

華上元景色烘晴晝，朱輪畫轂雕鞍，玉勒九衢爭驟。春滿鰲山，夜沈陸海。一天星斗正紅球。過了，鳴鞘聲斷，迴鸞馭，鈞天奏。誰料此生親到五十年，都城如舊而今，但有傷心煙霧。紫愁楊柳，寶籙宮前，絳霄樓下，不堪回首。願黃圖早復，端門燈火，照人還又。

念奴嬌

疎眉秀目向尊前依舊宣和裝束貴氣盈盈風韻爽舉  
出知非凡俗皇室宗姬陳王愛女曾嫁貂蟬族干戈流  
蕩事隨天地翻覆珠淚搵了偷彈勸人飲盡愁怕吹笙  
竹畱落天涯俱是客何必平生相熟舊日容華如今憔悴  
付與杯中醪興亡休問爲子且醞船玉

右詞見謂士夫到中原有感而賦

陶穀使江南詞

穀贈歌姬秦弱蘭風光好有鸞膠續斷弦之句按東方

蘆浦筆記卷十

入知不足齋叢書

朔十洲記仙家煮鳳喙及麟角煎作膠名爲續弦能續  
弓弩絕弦卻非鸞膠豈其誤邪不如杜詩麟角鳳觜世  
莫識煎膠續弦奇自見

石林詞

葉石林賀新郎詞有誰採蘋花寄與但悵望蘭舟容與  
下與字去聲漢禮樂志練時日澹容與顏注閑舒也今  
歌者不辨音義乃以其疊兩與字妄改上與作寄取而  
不以爲非良可笑也慶元庚申石林之孫筠守臨江嘗  
從容語及謂賦此詞時年方十八而傳者乃云爲儀真

妓女作詳味句意皆不相干或是書此以遺之爾

生查子

道涂閒題壁有可采者嘗記生查子一首甚工云愁盈  
鏡裏山心疊琴中恨露溼玉蘭秋香伴金屏冷雲歸月  
正圓雁到人無信孤損鳳凰釵立盡梧桐影蓋魏子敬  
詞也

辛亥七月望客麻姑仙壇之廣度菴豐城

張應桂謹錄

蘆浦筆記卷第十

蘆浦筆記卷十

九知不足齋叢書

重刊

右蘆浦筆記十卷乾隆壬午正月傳龔侍御翔麟玉

玲瓏閣本龔傳自晉江黃俞邵千頃齋黃本則明萬

歷閒謝兆申鈔於進士賀煊者也三寫之後亥豕漸

多存之以俟善本勘定焉元本曾經漁陽山人借觀

前有題款一行卷中附評語兩行其書後歸海寧阮

善長阮有案語三條今藏錢塘郁佩先禮東嘯軒子

所從借鈔也校畢記其流傳所自俾後來者有攷云

二月十日歛鮑廷博書於知不足齋

三月二十六日復介佩先借趙意林信藏本再校趙

蘆浦筆記跋

一知不足齋叢書

鈔於厲孝廉鶚厲本仍出於龔無可是正錄其題識

以著小山堂主人劬書之勤也廷博又識

此樊榭先生善本也乙巳六月伏後三日銷夏於

小山堂讐校一過略正其四五而內長文之論尚

復不少古人云校書如掃塵信然倩楷書生鈔畢

以原本歸之樂城意林對攷博案樂城為錢塘沈嘉轍乙巳則雍正三

年也後四年為子始生之歲云

丁亥閏七月二十日吳江沈果堂形本校於繡溪寓

廬亦是新鈔無所補益

辛丑長至日吳騫閱於橫山舟次

壬寅正月海昌陳鱣仲魚借觀

癸卯十一月十四日借歸安丁小山杰本校正錄其

題識於左

考西江志劉昌詩清江人開禧元年毛自知勝進士蘆浦筆記乃其所作蘆浦卽華亭蘆瀝場昌詩蓋曾爲鹽官者卑吏博雅如此足徵趙宋文治之盛矣雍正十年壬子十有一月朔錢塘樊榭山民厲鶚書

蘆浦筆記跋

二知不足齋叢書

案是書所載地理故蹟多及四明奉化而無一語及雲間疑所謂蘆浦者當是寧波邊海之區非今之蘆瀝場俟再攷乾隆己亥重午前二日校官書借鈔畢附識祝堃

己亥秋仲祝中翰堃本鈔其元本當爲祁門馬氏

所進故有樊榭山民跋辛丑正月以程編脩晉芳

所藏學海類編舊鈔本互校丁杰

嘉慶丙辰元宵觀於西湖沈蕙校定譌字十餘偶有所見附注每條之下覽者幸恕其妄蕭山徐鯤

余傳是書在壬午之春彈指三十五年矣屢經校讐

意未愜也丙辰七月始得謝肇淵小草齋舊鈔補脫

文二行王公家傳補十六字祭蝗蟲文補十三字荆欬非廟一條得寶劍

于將據本改得寶劍於干隊餘干一條越人欲爲變

必先由餘干界中據本改由作田屏星一條唐韻駕

車籓駕上據本增別字其他更定不一而足庶幾成

善本矣亟壽梓氏以傳無窮惜樊榭意林諸老宿不

及見也小草齋本末有辛亥七月望豐城張應桂手

錄題字一行以鈔藏歲月計之僅先謝光申本數月

蘆浦筆記跋三知不足齋叢書

特未經轉寫故未失真爲足據耳前有周懌園圖記

今藏桐鄉姚君正夫家刻成記於西湖沈氏湖樓時

嘉慶戊午七月十二日廷博書



